

Mohd Amirul Kasyful Nur bin Zulkifli

From: Unit Komunikasi Korporat
Sent: Tuesday, February 7, 2017 2:28 PM
To: UUM - All Staff; UUM - All Students; Staf - Pesara UUM
Subject: Amirul Aizat Harumkan Nama AGN Dan UUM



Unit Komunikasi Korporat
CORPORATE COMMUNICATION UNIT
Universiti Utara Malaysia



07 FEBRUARI 2017 / 10 JAMADILAWAL 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Akademi Golf Nasional (AGN) UUM

AMIRUL AIZAT HARUMKAN NAMA AGN DAN UUM



UUM ONLINE: Kejayaan pemain golf Akademi Golf Nasional (AGN) UUM, Mohammad Wafiyuddin Abdul Manaf yang muncul sebagai pemain terbaik Malaysia di Kejohanan Profesional Golf Malaysia (PGM) Seriemas CCM pada 18-21 Januari 2017 lalu memberi semangat baharu pada seorang lagi pelajar AGN, Amirul Aizat Abdul Bahar untuk melakar kejayaan dengan mendapat tempat ke-3 pada Kejohanan PGM I&P Group Matchplay di Kinrara Golf Club pada baru-baru ini.

Pemain kelahiran Melaka ini layak menyertai kejohanan tersebut setelah bermain dengan baik pada dua pusingan kelayakan dan telah membuat tujuh kali penampilan dalam kejohanan PGM sejak bermain secara profesional pada September 2016.

Kejohanan ini disertai oleh pemain-pemain profesional negara seperti Ben Leong dan Airil Rizman serta pemain nombor satu negara (Order of Merit) Nicholas Fung.

Aizat memulakan kempen pusingan pertama kejohanan ini dengan mengalahkan Ilyia Jamil 2 & 1 dan menewaskan M. Amli Mohiyadeen dengan keputusan 4 & 3 pada pusingan kedua.

Beliau seterusnya mengalahkan Kenneth Tobuse dengan 1 UP di pusingan ketiga untuk mara ke pusingan suku akhir dengan mengalahkan Shaifubari Muda juga dengan 1 UP sebelum tewas kepada Khor Kheng Hwai 5 & 4 pada pusingan separuh akhir.

"Saya terlalu penat setelah bermain sehingga ke lubang 18 pada sebelah pagi. Pusingan separuh akhir yang dijalankan pada sebelah petang menyebabkan saya hilang tumpuan," katanya.

Pada permainan penentuan tempat ke-3 dan ke-4 yang dijalankan pada hari terakhir kejohanan, Aizat yang kembali cergas berjaya menewaskan Shahriffuddin Ariffin dengan keputusan 5 & 4. Pemain berusia 24 tahun ini berjaya melakukan 5 birdie termasuk di lubang terakhir iaitu di lubang ke 14.

"Saya sangat berterima kasih pada pihak AGN dan pihak KPT yang banyak membantu meningkatkan lagi prestasi golf saya terutama setelah dipilih mewakili Malaysia dalam kejohanan World University Game (WUG) di Gwangju, Korea pada pertengahan 2015. Saya amat menggemari format matchplay dalam kejohanan ini dan amat berpuas hati dengan kejayaan sulung dalam kejohanan golf profesional di Malaysia," ujarnya.

Juara kejohanan kali ini disandang oleh Khor Kheng Wai yang menewaskan R. Nachimitu pada lubang ke 22 dengan keputusan 1 UP.

Amirul Aizat yang memenangi tempat ke-3 membawa pulang hadiah wang tunai berjumlah RM12,000.

DARIPADA:

UNIT KOMUNIKASI KORPORAT
UNIVERSITI UTARA MALAYSIA

04-928 3048/3049/3052/3061

04-928 3053

ukkuum@uum.edu.my

Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.